

青芙蓉閣詩鈔

清芙蓉閣詩鈔卷三

桐鄉 陸元銚 三石

題羅兩峯

聘 鬼趣圖

道子以後畫鬼誰最優
淮陰龔開下筆使鬼愁
以意得之非目謀
吳郡任生善視鬼
鬼車鬼馬日見行道
周未聞丹青一一工
冥搜山人羅兩峯
目睛爍九幽
有時畫鬼得鬼趣
要令焰摩地界歡喜無
歌嘍一幅山魈舞
一脚侏儒飽死爲同儔
婪酣大肚谿壑能填不
一幅鬼奴瘦如腊
前有鬼主形偃
倮骸之骨無乃難
封侯或爲婆須密
綽約迴清

眸或爲賓迦羅伊嚶啼乾喉此兩幅具兒女態愛
河慾海一氣吹浮漚黑雲壓山風颼颼綠髮巨鬼
來修修是豈尺郭蒙魁頭就中此幅吁可怕老尪
見此不敢饒涎流其六其七荒怪出長頭修臂毛
髟髟亦有鬼官趾于天陰雨溼何處窮姦偷最
後一幅妙得莊列意撻蓬撒插雙骷髏曩誰子先
今誰後惟有墓門老表與爾同春秋畫圖前後凡
八幅以鬼爲戲鬼不仇昔聞魍魅魍魎鑄自神禹
鼎其先已有九嬰大風驅逐兼拘囚後來八通開
鬼道槽間礪上時有靈之旂泰山錄事亦可笑拷

掠鬼魅紛嘲啁大鬼跳跟小鬼哭未知其趣徒啾
啾羅山人爾目閃閃若巖電爾筆奕奕凌滄洲我
不能如溫嶠然犀燭百怪又無照魅之草來丹邱
披圖不語但咋舌欲證所見將安求人生爲浮死
卽休得少佳趣夫何尤物無疵癘世曼壽飲食男
女樂過華胥遊堯民之圖乞更寫光天日出紅桑
樛

同德侍讀

昌

李

長森

楊

志信

兩儀部泛舟二

插歸途偶成

潞水烟雲渺正長孤蓬回首暮蒼蒼好風吹袂柳

枝綠明月在船波影涼更與故人期後會只嫌佳
景是他鄉鬧紅一舸歸來晚記得西湖看夕陽

南天門

衆山四蜿蜒遵途愜幽賞前峯忽崩奔壁面削千
丈初如坐井窺繼乃緣磴上一石爲一梯取徑銳
而仰人馬行蠕蠕目眩足不往作氣一再登天門
開誅蕩俯視積氣中渾流怒潏瀆飄風千里來雲
衣吹作響時平不恃險伏戎自無莽甌脫爲一家
來朝歲稽顙高歌出塞篇福地此蕭爽

柳城之北龍山之南所謂福地

之地也見十六國春秋慕容皝傳

右北口

關門呀然開是名虎北口喜峯與居庸屏藩相左
右上有古長城高出霄漢陡其下爲潮河水石怒
呼吼碎磴逼斷崖兩軌窄不受卻行復仄行推挽
掣其肘天險自太古萬馬一夫守末季築邊牆適
蹈亡國醜防邊實棄邊厲階自誰某方今大一統
車書達九有諸蕃歲來朝交閭集圭卣作詩補由
庚用備奏矇眛

青石梁

連山亘長虹非厂非堂隍非螺亦非黛正色天蒼

蒼大石人面壓小石車輪傷橫斲劈鬼斧峻削森
戈鉞全力著半趾百步猶初枕旋復折而上細路
爭毫芒突兀俯鼇背雲氣隨飛揚崩厓樹磨颯暗
壑風雷碾毛髮吹颯颯欲下心徬徨僕夫顧我語
落日歸鴉翔努力鼓腰脚前有黃土梁

喀喇河屯

地是灤京舊人烟暮靄中河聲經雨健山勢出關
雄邊土兵農合豐年作息同野榛香顆顆失喜到

兒童

地產
榛子

立秋前三日徐郡守

夢麟

至京樂數晨夕賦

詩贈行二首

片帆記指海南洲萬里閩天更倚樓作吏十年才
識我留君三日又逢秋高歌且喜同燕市遺像應
知比益州等是涓埃期報稱莫因鮭菜戀歸舟

毘舍那洋浪拍天探巢直上萬峯巔盡搜褚燕常

山黨急斷盧循粵海船

君以搜捕臺灣餘
匪有功膺薦擢

細數遊蹤鮫

鱗避試看飲器髑髏懸知君此去烽烟靖買犢爭

歌渤海賢

錢忠懿王金塗塔瓦歌

背有吳越國王錢宏似敬造八
萬四千寶塔乙卯歲記十九字

錦袍玉帶英雄流夢中尚索十四州輪迴之說始

佛氏公忠豈復成私讐雄圖緬昔自羅刹廓清妖
鳥消戈矛承平頗亦事象教琳宮貝闕蟠蛟虬塗
金作瓦合成塔佛光照徹三泉幽代更四主至忠
懿保俶塔尚高林邱流傳迄今剩片瓦一版不啻
千琳球摩挲省識十九字吳越王造題名留八萬
四千此其一歲在乙卯猶尊周是年僧尼禁私度
柴家令主方垂旒錢王時亦奉正朔范金何事工
彫鏤或言吳越苦征稅唱籌筓朴聲喧啾得無此
亦出膏血賣兒貼婦窮微搜我謂此言出歐史曲
筆無乃工吹求十年之蓄足國用樂土早已民忘

憂汴京納土免兵革卽此足破人天愁華嚴佛劫
倏又過窳堵波亦湮蒿冀零金斷鐵偶示現承訛
往往滋嘲啁方泉周生昔詠古龍天帝釋詞多浮
吾鄉竹垞嗜金石一語斷作錢王鏐今得此瓦足
辨證殊惜衆口空悠悠從來保家在臣節惟王忠
孝能詒謀金牀玉几良足貴變滅轉眼如浮漚君
不見鴛鴦寺主亦好佛牽機藥賜何時瘳

集周編修

厚

樁蔭堂分賦古樂府拈得白

符鳩

白衣宰相著屐入謝客兒還作山賊長城萬里倚

何人白符鳩唱悲填臆可憐白符鳩枉殺檀江州
華林五月喧龍舟引兵直入誰與謀傅徐駢首罪
豈罔檀也脇從亦逆黨爾時殺之復何枉

爲周舍人

有聲

題尊甫梅圃觀察聽松圖遺

照

嶽麓山嵯峨湘江水清冽卓哉觀察公挺生賢且
傑槃槃儲大才稜稜表天骨古貌肅風霜冬心抱
冰雪作吏始闢隴觀風及吳越福星鮮于君所至
民命活活人夫如何逸事爲追述昔公莅浙時浙
漕弊未絕弊由用私人姦巧乃百出僕隸互鴟張

賓朋相虬結亦有葭莩親分肥肆饕餮公時詣大
吏直陳憤所切謂此皆民蠹驅除利宜疾我俸與
我祿豢養且不必況令蝨其間食我民膏血大吏
爲動容公乎氣不折積害非自今賴公得回斡我
無負郭田嘗夢飯甑溢側聞賢監司傾心日復日
自與舍人交琴樽時促膝設深出遺像靈光見突
兀翻恨十年前未及侍簪笏長松鬱蒼蒼怒濤寒
瑟瑟想當樂邱園讀書不讀律作詩綴舊聞用補
太史闕

楊忠愍公故宅

宅在宣武門外今爲
松筠禪林卽以祀焉

關西夫子膽如斗

公軫爲典史三年民呼楊
父諸生稱爲關西夫子

尚方請斬賊嵩

首盡忠在已豈在人二王令旨夫何有五奸十罪
言非誣更番拷掠嗟何辜身經百鍊歷九死朝衣
東市忠魂徂只今遺像留香界如此鬚眉佛也拜
想見當年抗疏時仰屋悲呼天地隘我來下馬登
空堂太虛浩氣何可望靈旗歸來響颯颯風吹柳
鎖今猶香君不見七間樓下馬矢積至今誰識丞

相宅

七間樓相傳爲
嚴分宜別墅

魏比部

成憲

招同秦司業

潮

吳編修

錫麒

崇

效寺看海棠二首

花光欲離樹未到已先迎
小雨作寒食好風吹曉
晴佛香依幔靜梵誦入簾
清清豆房堪借閒雲亦
有情

別有無塵境設深茗火溫
青松遺卷在白髮幾人

存

寺中藏有青松紅杏卷子
漁洋竹垞諸公皆有詩

尚憶范滂獄難招江總魂

楊忠

烈公所書無塵別境四字
及王覺斯題榜今尚存

且拌花下醉往事不堪論

閣楓窻小牘得詩八首

裒德曾聞錄孔悝煌煌丹詔手親裁
大書歲月乾

寧載記奉唐家正朔來

錢武肅王鐵券賜於唐昭宗乾
寧四年孔悝裒德券中語也

徵辟書成翰墨香字音竄改太荒唐
荊州也要從

婁姓莫笑淮南諱蜜糖

武肅辟羅昭諫書云仲宣遠託婁
荊州以劉爲婁避武肅嫌名也

金匱渝盟悟昨非乞天肯自洩潛機孟婆不與人

方便朱雀門前片紙飛

趙韓王疾使道流上章禱謝密封命勿
發向空焚之火正燕函而此章爲大風

所擊吹墜朱雀
門爲人傳誦

阿吉才名久擅場却因媚骨累文章不教瘦相留

殘魄厲鬼何如北郭郎

邢昺以九經及第傾意欲若爲士流所
薄北郭郎即洪湛謫死儋州有相識遇洪

大庚敏謂是赦運洪曰我
往捕王欽若耳言說不見

將願真同沒口匏北山猿鶴任相嘲漢唐故事分

明記却忘家人卦六爻

仁宗廢郭后呂夷簡實贊之其友王至
清寓嵩夷簡曰僕初與坦夫論家人一

卦坦夫獨以孔子反身二語爲此卦入
證語今獨不可以反身之說諫之乎

賜號龍驤手勅新臺輿北去逐邊塵何如供奉階

前死一著緋衣便致身

徽宗所愛馬曰小烏嘗曰猴子且官供俸泥使小烏白身耶勅賜龍驤將軍

金牌細字認宣和籠畔如聞喚奈何一樣傷心鸚

鵡語輸他蜀道返青驪

南渡時有大赤鸚鵡來集行在承塵上口呼萬歲足繫小金牌有宣和二字

乳酪瓠羹不再嘗登盤誰進薛家羊舊人惟有蒼

頭嫂老淚尊前說故鄉

南遷後魚羹宋五嫂羊肉李七兒皆當行不數者宋五嫂舊時蒼頭嫂也

妙嚴公主拜輓歌

輓在潭柘寺相傳元世祖女妙嚴公主削髮居此日禮觀音不輟遂留此跡明

孝定皇太后曾迎入大內後復送歸寺

有唐貴主始出家碧城十二凌丹霞步虛聲輕去
無跡冥冥莫問娥臺花此地元時構琳宇遺蹤尚

說璇宮女蘿契甘辭傅粉郎椒塗并却吹蕭侶珠
幡寶珞天人尊願作弟子歸空門六時膜拜歲不
輟雙趺窄窄留纖痕畫沙印泥跡髣髴盡道精誠
耿難滅亦如面壁坐九年壁上分明見古佛我聞
至元開國初六陵殘毒由髡徒白傘蓋佛尤可笑
野狐禪語真荒誣內道場開播大鼓再傳更習天
魔舞皇覺寺僧已渡江猶向宮中媚初祖磨甌作
鏡知何年存此亦足懲風愆畏行多露古垂訓豈
有帝女來逃禪九蓮菩薩亦好異香匣迎同佛舍
利遺像如今也寂寥零鐘斷鼓禪闕閉陳跡流傳

總渺茫閒來竹院話斜陽漫同洛水凌波鞞差勝

吳宮響屨廊

法學士

式善

招同葑亭先生劉純齋

錫五

何

蘭士

道生

張水屋

道渥

積水潭看荷花水屋

作圖各紀以詩

城西積水潭潭水清且長沿隄蔭榆柳盛暑無驕
陽招邀果夙諾圓荷開正芳曉烟如紗縠薄不遮
花光見花不見水花底荷葉香人行綠雲裏霞氣
蒸衣裳昔遊西湖曲荷陰生晝涼頻年客京國清
景縈中腸未若此花海一一雲錦張微風灑然至

解帶相徜徉泥飲效河朔各各傾千觴醉來席地
臥夢入鷗鷺鄉人生要有別良會何可常作圖紀
雅集此樂期無忘

奉

命出守蜀中紀

恩述懷得詩二首

未向螭坳聳豸冠

御屏名姓已爭看

去年蒙
記名以御史用

恩朝無闕事何須補官

不親民未是難立壁風稜防過峻養花天氣怕深
寒兩川況值兵方息撫字還應政在寬

八載長安朔不飢張南周北接巾綦夜槽酒熟留
髡醉雪巷泥融借馬騎錦鯉書勞他日憶玉壺冰
許故人知去留同在

恩光下努力無忘報稱時

自良鄉至保定道中雜詩四首

發軌始良鄉驛程行較速奈此泥塗間時時沒馬
足嚴冬潦盡收此何久不涸側聞河間郡積水勢
尤酷汪洋盈田疇惡難驅耕犢雖云今年災明年
墾未熟嗟此歉歲民嗷嗷食無粥

皇仁一再施承宣賴司牧吏苟能愛民元氣卽當

復寄語良有司野有飢黎哭

嚴程需驛馬一驛每一更亦有經兩驛此馬猶兼
程行人餒就食馬向空槽鳴麩豆乃民物官徵有
餘羸中飽及胥吏馬腹不滿升鞭十仆者七緩死
仍驅行人物本一理痛癢無殊情體物尚不逮何
由恤民生試看廐中馬還爲民沾纓

八載官禮曹素餐時自惕一麾出九衢傳食更非
職驛吏候郵亭到卽具肴核盤中有鳧雞京客朶
頤亟謂此一齋羨青蚨須三百此間何頓殊狼藉
到臧獲無乃取民間吏故短其直名爲給官價實

未一錢得災荒如今年無禾又無麥誰能貯餘糧
豢養及豚栅念之心惻然對案不忍食

自我官京師二親別已久西川路雖遙額猶加以
手謂從洛中行庭闈得聚首昨朝給郵籤遵塗不

敢後本期走轅轅乃出太行右

時舉 命護送舉布喇
麻應由山西驛程入川

我時得父書歷歷數卯酉曰母望汝來說汝不離
口長安不易居行又苦逋負不知風雪中僕馬已
具否計汝此登程到日及下九歡會能幾時且來
慰汝母長跪讀未終暗淚浥襟肘車輪轉中腸欲
言難具剖何以解親顏致書語我婦

正定寄家書

日逐征鞍馬力微，畿南路盡倍依依。
江山巴蜀人孤往，風雨滹沱鴈不飛。
慰藉家書遲下筆，蕭寥樽酒冷沾衣。
懸知白髮高堂夢，猶數行程望客歸。時尚

未知由山右入川

平遙縣

落日平陶邑，驅車到郭門。
堯年今復見，唐俗此猶存。
地有金銀氣，人惟布帛言。
繁華憶吳會，一變與誰論。

豫讓橋

莽莽河波怒欲吞，貳心無媿復何論。責人自古難求備，知已從來勝感恩。不報莒敖同仗節，試呼軹里與招魂。青萍一死尤堪惜，落日愁傾酒滿樽。

渡河

風陵埽外水浮天，鼓櫂中流思浩然。直下龍門飛白雨，回看蒲坂渺蒼烟。城陰險扼潼關甲，嶽色晴開華井蓮。兩戒中分逾萬里，探源擬到斗牛邊。

潼關行

北風吹雪天冥冥，河流動地雷冬鳴。片帆如席竟飛渡，關樓突出連雲平。此關改設自漢武，桃林古

塞巖基肩倚山爲城削精鐵環河作塹鞭驚霆關
門峩峩開四扇兀若八柱承天庭他如武關與朝
邑樓櫓一一高峻嶒是名三關俱要害更以此地
爲堅城其西禁谷扼喉嗑細路險與援獠爭當關
一夫荷戟立萬馬却走哨無聲自從哥舒債戎事
爲魚百萬刀砧腥後來大齊僭位號失守遽作興
元行鴈門司馬亦人傑坐令賊騎紛縱橫是皆天
阻據形勝云何先後同摧崩卽如函谷昔未廢重
關千里兵連營西來重瞳沐猴耳一炬遂使蒼天
頽乃知恃德古有訓扼險尤在毋佳兵國脣國齒

講地利無乃所見皆書生方今車書大一統赤寰
向化黃輿寧外猶臥鼓況內地設此豈以防憑陵
我從蒲坂溯潼水時清無路非由庚道旁有酒且
復酌醉呵凍筆歌西京回看太華雪亦霽玉女擎
出蓮花青

華陰道中

秔秫收餘野徑寬出關客爲破愁顏鬢毛未白因
初宦眼福能消是好山小別又看垂柳盡無心誰
似暮雲閒春風敷水年年綠何日籃輿復此還

謁西嶽廟

華嶽鎮西極肅爽得秋氣維神亦森嚴是爲少皞
帝庠豁廟貌尊青紅鬼壁異嶠龍畫棟飛風雨靈
旗曳神光颯有無幽氛澹容裔想當百靈朝夜深
光景闕古木羅庭隅最近亦千歲風雷出其顛排
空無厚地時於蒼勁中鬱葱見生意我生五嶽遊
苦爲婚嫁累今茲賦西征登臨亦未遂敬瞻白帝
宮瓣香薦椒桂杯玦不復擲暫此息征轡俄看初
月生正照三峯翠

郭汾陽故里

兩京重見舊山川百戰功成再造年世望中興無

此速天私竒福到公全如神豈但驚回紇欲殺偏

能遇謫仙莫問當時歌舞地倚樓憑弔已荒烟趙

經汾陽舊宅詩今日獨經歌舞地古槐疎冷夕陽多

齊雲樓

在華州唐昭宗駐蹕京處

碧樹籠烟望渺茫傷心淚共渭流長故宮解道迎
奴返誰與招魂十六王

驪山老母祠

路史載女媧氏滅共工而遷治於中皇山之麓繼興於魏今驪山有老母祠疑卽女媧氏而世

以授經碑卽指爲李奎所遇之老母或亦傳述之誤耳

崇祠枕修嶺崖崑森簷牙中奉神媪像皓髮紛髻
髻云是古仙姥鍊形躡蒼霞陰符默授受咳唾飛

天花至今驪山上碑額猶嗟呀或云此非是其神

爲女媧興麗沛豐澤食報宜無涯享祀視功德此

說誠非差從來事傳述歲久滋羣譁拾遺好女子

昌黎老僧伽玩弄及土木不直一笑呀卽如女媧

氏系出華胥遐神靈震黃瑤前螭而後蛇平成實

創始禹德無以加如何謂兄妹式好歌宜家盧全詩女媧本

是伏羲婦蓋本乾盤度凡姪爲夫婦之說當時定婚娶儷皮禮無奢豈方製

琴瑟而先蹈淫哇世俗食以耳調詞肆滂葩六經

字不識侈設鬼一車此嫗是何物爲仙爲魅耶承

訛而襲謬往事多紛拏元都祀仙李畢竟何根芽

山上有
老君廟

驪山懷古四首

得寶歌成惑女戎，髭餘君聽豈能聰。
如何講武驪山日，便欲加誅郭代公。

遺簪墮烏擁紅粧，瑟瑟珠璣拾道旁。
亂後釵鈿亦流落，又教方士賺君王。

鼙鼓漁陽禍已成，蕭條榆柳失邊城。
當時促柱吹高管，誰識涼州入破聲。

無復霓裳月下遊，淒涼南內不勝愁。
傷心風雨蒲

城夜難覓荒陵玉鶻髀

玉鶻髀事見
宋王鉉默記

唐昭陵石馬歌

太原公子人中龍揮斥八極雲而風生年十八事
征戰上馬殺賊摧賊鋒當時六馬盡神俊第一最
數拳毛驄箭光一掣怒欲吼血痕不染三花鬃其
餘青雕颯霧紫一一毛骨殊凡庸埽平僭逆定唐
室非此何以成竒功帝念勤勞琢以石率更題贊
詞雍容不嘶不動生氣出噴沫尚想千長虹至今
見者走辟易英姿颯爽凌烟同君不見忽雷駿殉
秦胡公死猶僵立空槽中從來名將有名馬況乃
帝子真英雄天寶之年禍亂作賊騎萬衆趨臨潼

陰雲滄合去飄忽髣髴如有神駒從阿瞞老諄不
曉事青騾蜀棧行怱怱可憐驂駟亦凋喪天閑立
仗尋無蹤何如此馬汗猶溼足使四十萬匹羣皆
空

長安詠古四首

虞廷錫土夏商同八百占年運獨隆作述一家傳
聖德艱難千古重農功天心西顧豐兼鎬王迹東
遷雅變風漢寢唐陵相對峙創垂人只是英雄
一怒能清六國塵貪天事事不師人求仙豈意逢
山鬼入夢還思抗海神縱立長君終覆國欲居奇

貨已亡秦輶轅遺骨銷應盡莫問青梧折脚麟
馬上功成帝業昌治隆文景漸消亡經明尚欲宗
黃老政美何堪雜孔桑中貴權傾威炙手外家恩
重剝侵牀漢宣尚是英明主萌蘖終令國本傷
貞觀開元得幾時履霜曾未有先知典兵早伏宮
廷患樹黨誰將節義持一代亂源方鎮表千秋法
鑒寺人詩傷心啼到山頭雀渭水空餘故國思

杜曲弔牧之墓

牛李分門日江湖載酒時狂言何有罪黨論得無
私遺恨山東失孤魂杜曲悲却忘寒士淚曾爲贊

皇垂

牧之撰僧孺墓誌謂李太尉專柄五年多逐賢士天下恨怨非公論也

狄梁公祠

金輪治世沸頽波砥柱中流耿不磨淫鬼千年求
食少公門一代得人多安劉周勃功長在作婦張
儀媿若何惆悵桑條韋十二春風又續媚娘歌

茂陵行

祖龍之死無百年紛紛又復談神仙歲星偷墮久
未識却思高拍洪厓肩飛廉桂館屹雲表寂寞樓
居仙跡杳玉印空聞授白茅瑤池幾見來青鳥當
時好仙兼好兵烽火遠照燉煌城蒲葦苜蓿豈靈

藥忍因方物勞邊氓文成伏誅藥大死惜不樓船
學徐市輪臺詔下悔已遲老淚秋風揮不止槐里
蕭蕭闕漆燈竹宮神火見何曾蟠桃再熟無人薦
玉盃旋聞出茂陵

馬嵬弔楊妃墓八首

深閨生小色傾城豈有人從壽邸迎紅淚溼衣遺
暈在此身誰道不分明

王仁裕開元天寶遺事載楊貴妃初承
恩召與父母相別涕泣登車時天寒淚

結爲紅冰與驪山記所
云處子入宮者頗合

龍武新兵宿衛多翻教魂斷馬嵬坡可憐也似虞
姬壻只向軍前喚奈何

撥笛宮牆說李暮新聲傳自月中無開元早有梨

園曲莫爲霓裳怨玉奴

開元初選樂工宮女數百人自
教法曲於梨園時妃尚未入宮

春從春遊荷寵光忍言專席又專房外庭許進開

花鳥那有宮人閉上陽

天寶末有密采艷色者當時號花
鳥使見香山上陽白髮人詩註

腹劍謀成國本危曾聞風有出宮關馬前忍使蛾
眉死何不先誅武惠妃

新舊唐書擅體裁調言刪盡不須猜早時鏡殿飛
鸚鵡史筆何曾曲諱來

朝無賢相國終淪歸罪紅顏總失真何事杜陵老
詩史也將衰姐比佳人

不斷情根歷劫存
釵分鈿擘亦君恩
教通替棺能見定
不烟銷紫玉魂

法門寺

唐元和十四年
迎佛骨於此

佛牙脫落佛亦老
佛骨迎來死復早
可惜元和神武姿
請毀不從臣愈表
法門崇奉宏願堅
乞靈枯骹忘腥羶
本無我相何有骨
卽論佛法寧非眞
當時淮西甫辦賊
陝洛生民未休息
剗身乞腦亦何爲
忍使殘黎更骨立
是爲祈福爲禳災
佛大歡喜人悲哀
貪癡未絕一再誤
何異靈藥求天台
仙耶佛耶兩茫昧
不有昌黎誰振聵
吟到公詩謝自然

從古神仙亦魑魅

過秦穆公墓有感東坡詠三良事而作

鳳翔八觀詩詞高筆雄勁何云秦三良死非由亂
命穆公乃英主此案頗難定而謂徇公意所死亦
非正昔公襲鄭疆勞師失其政三良時在朝曷不
以死諍迄乎三帥囚辱國所同病奮身死疆場亦
不失豪橫奈何均未聞甘自納諸穽古無殉葬禮
檀弓說可證豈有股肱良乃以血氣勝信如坡公
言是俠非儒行作詩而悖經適足亂羣聽何如石
鼓詩博辨資考訂

張三丰得道處二首

秦臺華月冷漢闕暮雲連無復鸞鳳嘯猶傳遺過
仙庭遺行藥徑秋老采芝田乘蹻何年去臨風思
渺然

已報宮中火猜疑未肯容借名招野鶴著意訪潛
龍豈有從亡錄難尋出世蹤想當革除歲曾此叩
雲封

入棧

一髮盤旋上青天此間程路緣危棧曲身與片雲
輕積氣關中合浮嵐劍外明探竒渾未盡已覺冠

平生

張文寶

受業張梓校訂

王士濟

青芙蓉閣詩鈔卷三終

青芙蓉閣詩鈔卷四

桐鄉 陸元鋌 三石

鳳嶺

鳳嶺雄岐南始進無壞磴山骨森開張破荒肆豪
橫黃壤而青冥愈上愈孤勁轟雷瀑怒飛削鐵壁
危亘馬行苦窳巖石火四蹄迸作氣互挽推欲以
腕力勝詰曲躋層巔懸厓仄難凭颯沓雲而風積
駭失視聽羣峯下崩奔列如釜上甌夷塗失初程
一落卽危矣

柴關嶺

柴關路幽險厥樹多青桐蒙茸夾榛石未聞疑鴻
荒干崖逼孤縷著趾爭毫芒峯峯列如戟左右相
撐搪陽烏與陰兔子午無正光腥涎觸巾袖虺蠹
冬不藏險怪見已熟到此殊恟惶百上始造極下
臨古陳倉昔者劉與項於此分霸王功成卽仙去
永懷張子房至今古祠下紫柏摩空蒼獨立意飄
忽天風吹我裳

紫柏山謁留侯祠

神龍首尾誰見之圮橋一老非吾師當其大索不
可得飄然已具仙人姿一擊不中魄已禡下視荆

高酒徒耳卽看力士奮椎時亦勝舞陽一豎子不
爲人用能用人鄴侯刀筆難爲倫功成報韓亦報
漢神仙何必非忠臣英彭菹醢淮陰族豐沛真王
恩太薄如侯智勇化而神縱不離塵豈能縛千秋
論定誰與儔後來唯一李鄴侯嗚呼鄴侯抱仙骨
可惜衡山歸又出

自青羊河至留壩

瀧瀧河流雜雨聲幽篁鼓木莽縱橫鬼車不夜呼
人住虎眼如燈導馬行山迴每從雲假道地荒聊
藉土爲城青芻白飯休輕索聞說邊陲尚廢耕

馬鞍嶺

上坡如累棋下坡如激箭顛崖內崩奔急瀑外洄
漩礮礮無一平咫尺乃百變昇輿若牽舟仗此一
絲縴十夫互撐持差喜腰脚健出入刀劍鼓山靈
與死戰賈勇頗有餘時亦驚背汗風凜垂堂言至
此命真賤乘蹻爾何人十洲遊汗漫

觀音碓

樓閣千百重觀音碓最險未到聞驚雷連山爲震
撼砉然石怒開很壁大且儼人從壁上行陡落岸
如斬龍湫黑潭潭漏光時一閃逼人氣慘淒目眩

足亦敏緬昔賈中丞疊嶂此鑄鑿閣道已漸平而
猶險破膽不知乾坤初何以位良坎我生好探竒
茲行怯游覽定知憂患餘攬鏡雪盈髭

雞頭關

大雞昂然來雄冠怒岌岌排雲屹當關天風莽噓
吸亂石累作梯迴絕不可躡初從井底行孤縋挽
猶溼驀開混沌天斗壁向空立一折途又紆陰雲
滂然合及巔漸平夷高已百千級俯看南去程清
曠帶原隰褒國如彈丸隱隱見樓堞漢水出其東
環城流澹澹出險且獨吟蒼茫感遙冥

五丁峽

蜀棧險在山蜀江險在峽峽窮山復來此尤脚難
插漢水自蟠冢入口莽噓呬水與石怒持劣拘不
可狎人行亂流間風雷慘颯雪出坎魂稍甦峭壁
陡崩歷橫絕無鉤梯登頓汗流胛時作猿臂牽前
後窘持夾死地而能生人鬼爭一霎通道惟梁州
古有神禹法五丁是何人復此事鋏錘遺跡與誰
論竚久風獵獵

滴水崖

到此真無地飛巖架木支外垂容趾窄左擔息肩

遲立馬愁前路看雲住少時隴頭流水斷何處寄
相思

寧羌州

前朝曾置衛壘跡至今存驛廢人棲寺城荒虎攫
門出關秦樹盡飲馬蜀江渾此去巴山近哀猿愴
客魂

百牢關

漸入蠶鼓國崎嶇候曉過關門欹斷壁潭水激盤
渦石氣沾衣重商聲著樹多隋唐遺蹟在設險竟
如何

朝天峽

亂峯塞高天天青兩崖逼
纖路蟠蚓蛇都無十步
直鼓勇一再登陡上巨鼇脊
俯瞰嘉陵江江空倒
石色浩浩來長風撼此精鐵壁
人言江岸根陰洞
窈難測蟲孽構亂時於此爲窟穴
只今久承平豺
虎亦匿跡履險豈不驚
境過意俱適明發望烏奴
一醉狂墮憤

渡桔柏江

菰蒲雨過碧蕭蕭
茅屋人家隔岸遙
纔放輕舟風
又緊夕陽正上西時潮

牛頭山

朝暮見黃牛峽水窈以曲如何利州山亦有牛礪
角初程陟陂陀著趾泥漉漉泥深石沒稜漸乃傷
馬足磴道折而高愈折愈磽确人如鴉尾銜路作
螺頂縮孤光逗遙青仰井天去握菌閣如鳥巢憑
闌恣遐矚莽莽雲四垂晻溢失坤軸翻疑向經行
平衍無阨谷緬維天雄軍扼險自前蜀得無餅師
兒曾此駐黃纛竊據何足豪敗亡實自速傳首亦
可哀不見益州牧

大木樹

古樹重重合行勝得得來礪深雲亦凍風勁石能
開鬼彈穿林疾猿聲入夜哀郵程馳未已隔崦寺
鐘催

劍門

蜀山如猛夫鷹瞵而虎吼雖無嫵媚姿頗亦氣雄
赴自入劍州來山石漸巖醜大或如垣墉小亦異
培塿蠢非仙掌開巨宜鼇背負是真鐵爲關森森
列鎖鈕兩馬窄不容一夫怒可守蜀稱天府雄扼
隘此爲首而何交漢來兵戎迭紛糾懷安宜速亡
負固亦難久鏖此疊嶂平真宰不任咎德在險不

爭斯言挈其紐

司馬相如讀書處

遺橐傳來臥病餘
金莖殘露賜仍虛
一官老作文
園令枉讀夷吾未見書

白馬關謁諸葛武侯廟靖侯祠

真名士與半英雄
遺廟空山涕淚同
已遣並生扶
漢室却教後死哭
秋風中原志在師
頻出雒縣身
殲恨未窮想像靈
旗共來往歸魂長
傍永安宮

漢州西湖二首

裙屐曾聞此讌歌
舊時庭石尚嵯峨

房公石舊在州廡

三生

莫問邢和璞鬼哭陳濤四萬多

久思鰕菜未歸吳清潁題詩興亦孤

甲辰春過潁州西湖曾有詩塵

夢十年人萬里幾時真箇到西湖

彌牟鎮觀武侯八陣圖

堂堂諸葛真人傑驅石能令捍強敵碁盤市與魚
復城一一堅逾亞夫壁當頭陣法此更雄四門二
首抵無隙魁六十四壘石成石方一丈高三尺分
爲百二十八魁八八相生卦爻畫乃知此陣信詎
竒其妙祇從易理得世以兵宜詭道行遂疑公亦
假神力陰符經豈儒者言謹慎如公應早斥要由

忠盡激肺肝遂使精誠動金石我從秦隴溯川江
屢拜公祠淚沾臆彌牟渡口行徑微下馬重瞻故
壘跡鉤陳元武歟合離天地至今猶動色想見風
雲變化時百萬驚魂走辟易名士千秋此一人卽
以才論亦罕覲我謂公才學養兼十倍曹丕猶億
測木牛轉粟弩摧山豈足盡公大知識當年感激
許馳驅至死何曾忘國賊中原未復正統存此功
已蓋三分國陣圖縱使石俱利諸葛大名終古赫

駟馬橋

司馬相如
題柱處

滌器當鑪互唱酬眉山相對足忘憂若教乘傳終

無日應免閨中歎白頭

新津縣渡江

殘夢不能續江鳴夜雨餘灘高聞喝馬水急見跳
魚待渡人趨岸迎年客趁墟舊交憶孫綽北望眇

愁余

前令孫秋坪同
年今官直隸

金雞嶺

昔過七盤嶺雞幘摩穹霄涉想猶夢怕所至中心
忉茲山在蒙麓豈足爭雄豪我馬見差熟頗亦愁
踟跳懸崖石齒齒陰洞風刁刁盤旋涉顛頂豁達
蒼天寥羣山四奔湊高下田肥饒方春滃烟水一

綠何迢迢恬熙及樵牧流覽無鬱陶側聞歲壬子
機星動西招獅象互爭噬血戰修羅鑿此地爲喉
噬轉粟千峯高馳驅亦民分失馭防驚騷云何樂
輪輓絕不聞呼號逾年息埃火鼓腹仍歡謠乃知
民用力由來非一朝疾苦素與共事急忘其勞我
來蒞茲土所幸俗不澆努力事耕作快覩青青苗
雅州示諸僚友十首

蔡蒙旅幣記堯年此日山川更渺綿漏閣連雲稀
渴土穹廬蓋野接蠻天洗兵城繞羌江水騎象人
耕佛國田形勝西南稱最險諸公何以策安邊

輕徭薄賦久銘恩撫字心勞未易論要使民皆同
疾苦須知吾亦有兒孫烹鮮也賴操刀善在抱當
如挾纊溫望杏開田春正及莫教邊土廢耕屯
偶罹園土卽重泉囚籍纔披已泣然此案豈真成
鐵鑄無辜還恐累株連不先教令終慙我迫定爰
書莫問天同是髮膚由父母等閒且莫試蒲鞭
擬闢耕田孝弟科俗成慄悍未漸磨樽前瀝血私
盟重市上橫刀惡少多聚黨自來由博飲移風何
術致絃歌若能黃犢家家買勸課還宜政不苛
毀祠豈有狄懷英陰律紛紛說女清河伯無媒頻

娶婦社神如蝨亦通靈妖憑木石幽氛惡殃及雞
豚鬼氣腥蜀國從來尚巫覡幾時法令肅風霆
求粟徵魚速謗譏食人何補此身肥棊枰局散同
歸盡鶴背錢多亦礙飛豈必民膏搜欲罄但除爾
俸取皆非君看嚴道消亡日好片銅山不救饑
嶽嶽觥觥耿不磨誰令澶涿逐頽波折腰縱已因
官累捫膝何堪負汝多豈有將軍無揖客枉思關
節到閻羅布衣風骨由來重身已臨民更若何
補拙惟勤瘁不辭貪閒成疾藥難治須令竿牘無
留案忍使耕桑偶失時精力易頽宜暹甃溪山大

好莫吟詩要知枷鎖羈囚日多少門閭泣望思
潔已先宜儉德修那堪宦海竟忘憂追歡醒不逾
三日養望居常擬十洲此樂豈宜兒輩覺當時已
有路人愁飢寒試想村夫婦辛苦何曾得暫休
邛峽折坂鬱陵憎叱馭深慙力未勝述祖家惟遺
片石入官我本類條冰恩能及物貧何害利易熏
心痛自懲不負

清時公等在相期循吏傳同稱

諸葛古城

在榮經縣相傳爲諸葛武侯所築唐李衛公復屯兵於此

諸葛征蠻昔備兵蜀天風雨黯荒城傷心報國千

秋共復此籌邊萬里行相業可能皆不忝將星幸
未與俱傾英雄淚更孤寒淚畢竟同留宇宙名

大相嶺

蜀棧山山高驚定魄未斂南來路稍平復此試新
險取徑始秋毫稜稜石角巉一峯累一峯上艮而
下坎晴天晝常陰同雲沉黥黯莽莽雪怒飛荒涼
失厓厂螺旋復蟻旋人馬墨點點緬懷諸葛公南
征破敵膽至今陰壑雷猶作鼓聲統披榛拜荒祠
巖腹裂門屠燎衣突無烟壞壁一燈閃猙獰颯以
吹人面死灰斃

林口至伏龍寺

前行且顛厓後望失來路鉤梯方左旋崩石復右
拒危途到始知陳迹履猶誤是真九曲腸窘此百
折步幸誰大願力欄楯四森布不然二分垂失脚
得無怖登頓及山腰攬身已雲霧僧扉鑿巉巖延
客此少住垂龍眠正酣冥冥白日暮客行且勿喧
恐觸幽壑怒

飛越嶺

峭壁峩峩斗極看肉飛仙亦少修翰尋撞迴倚孤
根上倒馬危緣仄徑盤凍合萬峯冰雪老陰沈大

整日星寒此山更在青天外未到休歌蜀道難

冷磧

白草黃雲外荒荒斷磧高地寒稀鳥雀灘急挾風
濤鴈戶猶艱食蠻奴未賣刀恩威宜並用長吏莫
辭勞

自冷磧至瀘定橋

一鳥身輕細路緣遠從木末下巖巔荒江百丈山
爲岸絕微千峯雪到天莫逐漁蠻爭駕浪自來邊
郡急屯田刀耕火耨皆農業瘠土須知仗稔年

小烹壩

漸近烏斯藏行勝此乍過地荒瘡市少水惡瘰人多
要害邊關戍蒼茫勅勒歌莫矜身手健徼外久
銷戈

打箭鑪

羣鴉飛空山怒裂殺人無聲只寸鐵

西蜀弩名大者莫逾連弩十矢謂之

羣鴉一矢謂之飛槍通呼爲
摧山弩見三國志諸葛傳註

至今戰壘土花紅掘得箭頭

猶帶血竒才如公得幾人卽此經營亦神術此名
打箭始何年應在南征渡瀘日誰司鑪韜郭將軍
度亦非同麾下卒我來叱馭正殘冬破凍險逾坂
九折朔風撼地冰峩峩人面生寒馬蹄熱羣蠻道

謁丞相祠丹柱粉墻高突兀想當鼓橐驅雷霆
毒鐵焦銅光怪出方今邊障久銷烽闕不晏開戍可
撤卽如此地接烏斯蠢爾波旬曾肆孽徵兵伐叛
不逾年兵仗紛紛頓烟滅諸天龍象且易馴安論
狼奔與豨突彎弓真見挂扶桑埋鏃何須艷諸葛

武侯埋弩箭鏃一斛於白帝城見北史陸法和傳

折柳橋

在簡州城外舊名情盡橋唐雍陶改今名

昔逸憶渡瀟陵水此別重經折柳橋萬疊雲山一
樽酒不教情盡也魂銷

雨趨隆昌

隆橋遺古驛驟雨促征騏萬樹葉皆響衆峯雲怒
飛亭荒谿石瘦地有石
谿亭村遠寺鐘稀明發瀘江樞燭
波何處歸

和節相孫補山先生初至秀山詩四首

磨厓巨筆九霄橫堂印將辭又典兵勁旅爭先無
宿甲昆蹄入險盡夷庚軍聲已肅條侯壁戰壘新
開僕射營遙憶師行如枕席不教征調諛深耕

峒戶溪丁候尉同野心何事忽交訂定緣盤瓠留

餘孽翻爲弦高搆伏戎

彝山苗人
讐殺客民

負固妄營狐鼠穴

抗威爭扇馬牛風刑天干戚須臾滅喜見投醪楚

水東

礮石槍機撼赤霄陣雲低處倚危譙神威真見刀

生嘯

賊攻嗅腦荷神佑不敢進

鬼俗還憑蠱作妖亟發金錢收鴈

戶尚容銅鼓獻花苗

被兵之處叠奉賊匪內有投出者亦貸其死

恩旨撫恤

欲銷兵

氣須靈雨甘澤先聞大地謠

蕩節頻馳雪嶺顛蒼茫家室荷矜憐早聞樵采通

郊外

城中乏守禦塞數門公至卽令洞開聽民出入

要識憂勞視鬢邊萬本共書

裴相績四夷爭問潞公年未應黔水留紅旆指日

全消斥堠烟

支機石歌

石在成都西郭巖真觀

秋河耿耿流無聲中有一人雲衣輕星期靈匹歲
一度人間誰與通精誠郭門片石何處拾舊隨河
鼓支寒更九張機畔偶貽贈銀灣飛渡風泠泠憶
昔輪臺詔未下邊關歲歲烽烟驚月氏王頭有底
急使節遠度燉煌城玉門萬里苦征戍白骨撐拄
青燐青驅人作鬼鬼氣積遂令巫蠱生宮庭侯封
博望大可笑鑿空使者何功名咄哉此石本落落
乃以荒怪欺蚩氓攜從天上果足信亦與土木同
妖形我生論古非好異一喝要使羣愚醒當時賓
客數枚馬子雲居尚無元亭亦蛟天馬世方盛黃

牛白腹讖未成黃牛白腹讖未成賣卜豈有嚴君

平

嚴君平乃王莽時人揚雄仍從遊

家人自豫至川感賦二首

風雪梁園住少時陌花開後到來遲遠行累汝眉
成串小別驚余鬢有絲此後酒堪謀共醉昨宵月
尚照相思獨憐對泣人何在憶著牛衣淚暗滋

謂葉

恭人時效已
二十年矣

入門先問老親安弟妹音書次第看卅口今猶分
寄跡十年吾已悔爲官生兼愁病衰遲易話到庭
闈慰藉難此夜燈前欣對影不堪望遠雜悲歡

偶作

不佛亦不仙有生卽有死死爲可死時樂莫過於
此我年四十餘漸頹犬馬齒緬維生之初迄乎強
而仕歷歷檢此身可死者有幾有生亦何爲是用
奮袖起譬爲再世人孩提自今始努力崇前修日
積而月累庶以人勝天昨非或今是否則又蹉跎
奄然竟死矣

臨邛雜詠四首

娶婦分財負素心幾曾琴德解悻悻欺人最是名
流筆又賺長門買賦金

賣卜君平有故邱當時新室正亡劉東方仙去相
如死使節何來博望侯

山在虛無到豈真金釵空與致殷勤不教親見姍
姍影神術終輸李少君

挾彈張仙事有無鑪熏沈水篆痕孤勝他剗鞞香
階女未被人傳強幸圖

後園獨坐懷蔡州佐

鑿坡時需次在京寓城西水月庵

園林衆芳歇就樹此移牀聽雨碧荷葉懷人青豆
房書遲常隔歲官好是殊方鐘梵六時靜何如選
佛場

木坪勘地道中偶成

溪箐巖花杳靄間，遠從虎落歷孱顏。寒餘經歲常
封雪，險入開天未闢山。要使爭桑先弭釁，莫因市
馬互藏姦。只今荒服皆中土，蝸角休爭觸與蠻。

靈關

關爲天全木坪
背漢交界之地

關勢緣峯上，峯峯作劍磨。奔雲先鳥度，斷磧少人
過。春盡亦冰雪，年豐無麥禾。欲令知漢大，爲政在
平和。

用春秋繁露法祈雨，應作歌志喜。

漏天雨脚無時無，羲娥虧蔽雲模糊。泉甘土沃易

蕃熟樂事無過耕田夫時維中春歲在丙雨工斲
睡商羊逋初猶溝渠積尺水龍骨軋軋旋轡轅五
日十日水漸涸田背龜坼風沙麤秧鋤乍茁插尚
早再遲卽屆恢台初秋收或歉民已竭莠麥況恐
先焦枯官如不職應降罰嗟我百姓其何辜朝來
宿霧羃巖腹釀陰似有甘霖敷涼風絲絲忽吹散
赤日又掛樽桑株五三六點時亦雨渴土那復能
沾濡黃衣道士善勅勒異書自詡來鴻都登壇蹙
蹙作禹步喃喃學誦靈飛符脣焦吻燥咒無力日
對蒼昊撐雙矐我慙天官書未讀當案不食空嗟

吁合江學博鄉祭酒遺經獨抱勤菑畚爲言術家
專尚數若論儒行終嫌疎舞雩祭禱古有制此法
傳自董仲舒我聞斯言爲色喜惡練時日精誠輪
四通之壇列震位倉琅誓闔城南隅夙龍鬣鬣立
如馬佐以金鼓聲威俱童男八人歌且舞足若拳
鷺行跣跣明禋肅禮卯逾酉綠章竟達虛皇居癡
雲怒起雨突至雷轟電擊來須臾翻盆勢急四傾
瀉遠水已沒青青蘆犁耙齊出秧馬走一碧千頃
春麥蘇疾如反掌吁可怪樂郊私語聲喁喁或云
古法異我法速效自與尋常殊或云天人適會合

束先生豈神明乎我謂治民如治水因勢利導爲
良圖頃者昭回望雲漢老丁膜拜填街衢斯民可
憫亦可畏不爲綏靖爭睚眦天門高高豈易問聊
以神道馴頑愚廣川學術異黃老紛綸經義誰爬
梳玉杯書名昔已誤流傳今更滋荒蕪蜥蜴蜥蜴

放汝去此語豈出天人儒

蜥蜴蜥蜴與雲吐霧雨今滂沱放汝歸去乃沙門求雨呪語說見設

苑今亦用童男數人同聲
歌此非春秋繁露法也

要知民患吏宜恤但可籲請寧

躊躇亦如所親偶示疾得不信醫兼信巫方今太
一萃靈貺本無災異雲臺書婆娑女媛偶爲虐譴
責立就雷霆誅神人訖感無異術民氣和樂天爲

三才圖會卷之四
二
偷近聞鼠穴亦迅掃技窮一一嬰王鉄銀河會見
落萬丈淨洗兵甲安耒鋤

孟獲城

慘澹黃雲暮衝寒匹馬過蠻天春信斷戰地鬼雄
多振旅周方叔傾心漢趙佗南人今不反長此息
兵戈

凍雲菴

山椒日荒荒山腰雨浙浙此雨當秋初卽作雪盈
尺我來及盛夏寒吹尚慘感四山雲冥濛俯視一
氣白有時溼不飛滃然塞林隙誰結香茅菴鐫

破空闢巖扉挹孤光夕陰午猶積時聞樹杪泉冷
冷出鼓碧

冷竹關

孤縷從空下盤旋井底升繚青天一髮捫黑壁千
層嘯雨猿聲苦哮風虎氣騰驚心此荒徼未敢息
行勝

咱哩

荒落真成出塞遊地寒五月尚披裘平分物候無
春夏小聚人烟半馬牛老樹拔湫風怒折驚沙奔
岸水爭流憐他蠻若官如蝨手版朝朝見督郵

瀘定橋

連山亘西極中貫河流長噴薄自太古日夜聲雷
碾秋冬水稍殺扁舟或可方茲行及夏令欲渡愁
汪洋誰聚六州鐵成此千尺梁東西索橫亘巨石
承其綱上乃覆以板其薄風能颺行人手援手各
各相扶將左右不敢視疾趨及中央身輕忽如鳥
天風吹翱翔失勢一飄墮蛟鱔充飢腸其險也如
此境過難具詳我謂行者苦過卽爲康莊綢繆及
未雨更爲居者傷此地雖瘠土頻年頗豐穰人烟
盛聚落結屋如蜂房時維五六月山雨淋浪浪飛

流下奔湊萬馬不可當竊恐魚大上奪我民井疆
隄防審形勢先事謀宜臧譬如議積貯救荒於未
荒庶以裕民食凶歲無流亡我行不憚險思患中
徬徨作詩示司牧葑菲期無忘

打箭鑪與巴副戎話別兼寄陳大令人驥

羌江我正理歸航君又魚通作急裝驛路重逢逾
半載征車明發卽殊方孤城睥臨臨邊徼寒雨淒
涼話戰場寄語從軍陳記室欃槍及早靖蠻荒

楊觀察揆席上送姚郡守令儀之楚南軍營

絲管紛紛醉按歌遨頭宴許集鳴珂閨年風日暄

萋久絕代英雄嫵媚多幕府陳琳今祭酒樓船揚
僕昔橫戈

觀察曾從
征臺灣

離情莫怨湘江遠露布須君盾

鼻磨

官廨後有樓數楹相傳爲東坡兄弟讀書處
今樓已傾圯猶存舊額作詩記之

景祐三年歲丙子奎星夜降紗縠里生年二十無
朋儔四海子由一人耳墓頤山色青岩堯綺窗下
瞰春江濤此中讀書樂復樂夜雨蕭瑟吟猶豪鄭
州門外征騎發始識人生要有別是時兩公俱盛
年勿愛高官志已決熙豐之世元氣痛逆耳誰復

傾嘉謨賢如司馬且觸忿何況章蔡皆人奴烏臺
案起肆寃謗萬里儋雷各被放枕榔雨黑隨獏狙
坐失子孫兩賢相我苦喫菜蘇文生乞郡偶作西
川行眉山咫尺惜未到遺蹟此更湮榛荆昔公兄
弟宦游早木假山堂住日少當年若果此聯牀曷
不紀行賦巖道荒忽巢痕未可求堂堂大節古今
留文章不有千秋業光焰能高百尺樓

題洞庭移居圖

圖係王補雲爲沈南疑作漁洋竹垞諸老
輩各有題詞馮鷺庭編修買宅洞庭適得

此圖以書
馮題其後

青螺點點漾清虛一碧湖光萬頃餘吳下園林多

近水神仙眷屬愛移居
幾人中歲能歸隱如此名
山合著書過眼雲烟陳迹在
可容重訪舊樵漁

將之寧遠畱別雅州士民二首

黎風雅雨迴清寒
久住巢痕欲去難
無政可爲新尹告
與民還作故人看
耕桑土薄憐荒俗
文字緣深結古歡
不忍更吟乖老別
遠書珍重報平安

玉

觀察時赴西
藏不得話別

落日風生大渡河
郵程此去隔岷峨
預愁路更離家遠
差喜詩因入蜀多
蠻徼驚心晴積雪
羌江回首月舒波
及岷易代期重至
兩載深情奈別何

晚抵黃泥鋪

不雨路常滑斜陽催客行人聲喧夜市馬力盡山
程短犢村農返殘衫驛吏迎相看異勞逸歸計誤
躬耕

大樹堡

渡河便欲換征裳林壑綿夢春靄蒼水惡酒先防
病肺瘴多花亦怕聞香荒塗易駭初來客古寺聊
尋小歇場應有無襦民望久回車忍卽效王陽

雨抵蔡葉坪

山雨蕭蕭晚崎嶇到始知路長呼飯急市冷上燈

遲屋角泉聲碎牀頭蘚暈滋客愁當此夕彫盡鬢
邊絲

深溝曉發

萬樹挾飛瀑人行寒綠中數峯猶積雪暗壑自生
風仄磴盤空上閒門隔水通行驂應較早宿霧濕
濛濛

瀘沽

舊是軍行地干峯尙鬱盤哀俚穿徑熟老馬識途
難土薄泉俱啞

石壁刊啞
泉二字

林深晝亦寒叩峽曾叱馭

肯便息征鞍

高廷魁

王焯

受業陸昭校訂

王制

許鎮岳

青芙蓉閣詩鈔卷四